

Parlamentario Tico Croes ta puntra

KICO MINISTRO LACLE LO TA BAY HACI HULANDA?

ORANJESTAD (AAN) Relaciona cu e viaje di Ministro di Finanzas Ing. Roland Lacle pa Hulanda. Parlamentario Tico Croes pa AVP a puntra kico Ministro Roland Lacle lo ta bay haci Hulanda?

Parlamentario Croes a a bisa; "Nos ta mirando ultimo simannan un pais cu en realidad no tin gobierno, pasobra mayoria di e ministranan ta for di Aruba. E ministro di Labor, awor cu tin problemanan na Golden Tulip, ta malo tambe y no por atende e problema aki. A stranja nos a yama nos atencion cu diripiente asina Ministro Roland Lacle a dicidi di bay Hulanda pa combersa cu Ministro Hirsch Ballin na vispera di bishita di Sr. Ballin aki na Aruba, pasobra segun cu mi a compronde, otro siman e lo ta akinan."

Segun Tico Croes, su partido no sa si ta berdad e motibo cu el a duna den forma relampago asina, of cu bishita ta en coneccion cu e interrogacion di e recherche Hulandes aki na Aruba encuentro e



50 mil florin un paar di siman pasa. Parlamentario Tico Croes di AVP sigui bisa "Nos sa cu durante cu e tabata ministro 50 mil florin a desaparece na Aruba Huis y te ainda, despues di basta luna, no tin claridad ariba esaki".

Pero banda di esey loke ta sigui yama AVP su atencion ta e actitud di e gobierno aki. Atrobe, si nos analisa e declaracion cu gobierno a haci entorno di e bishita relampago na Hulanda di Sr. Roland Lacle, ta refleha un actitud di bay roga pa placa. Di bay keha na Hulanda cu KABNAA no ta dunando Aruba placa, parlamentario

Tico Croes a duna di conoce.

Segun Tico Croes, AVP sa por ehempel cu aña pasa e gobierno di Aruba a acerca Hulanda na unda a pidi no menos di 800 miyon florin pa yuda Aruba, pasobra Aruba aparentemente tabata den bancarota, segun Prome Ministro Nel Oduber y su gobierno. Ora cu Hulanda a puntra Ministro Nel Oduber pa duna un splicacion di 800 miyon florin a bin resulta cu nan no sa pakico esaki ta y Hulanda a recomenda nan pa bin cu un plan. Nan ta papiando di un plan for di aña pasa y e plan integral aki, manera ta worde menciona y Sr. Roland Lacle tambe ta bise den su declaracion, te dia di awe ta e plan di mas misterioso cu nos a yega di conoce. Ningun hende no ta haltura di e plan aki. Y nos sa cu kisas no tin ningun plan, y ta esey tambe nan tin e temor di haci e plan aki publico pa asina nos por sinta discuti ariba dje" parlamentario Tico Croes a trece dilanti. *Sigui lesa pag.8*

Finalmente parlamentario Tico Croes di AVP a bisa: Ta un berguenza cu Parlamento, cu ta e instancia mas halto aki na Aruba, cu despues di mas cu un aña cu a anuncia un plan asina, te ainda Parlamento no ta na altura di e contenido di e plan. Y si sigui analisa loke ta worde bisa di tur e kehamento aki encuentro KABNAA no ta traha den forma diligente, cu Sr. Roland Lacle ta bay Hulanda pa papia riba un proyecto di 240 cas, mientras cu den e rapport di IMF ta worde senjala cu Aruba mester di mas di 5000 cas, AVP ta compronde pakico Hulanda ta haci nos ridiculo y pakico e bishita aki na Hulanda ta causa hilaridad, tabata palabranan di parlamentario Tico Croes di AVP.